

FRANC.  
HOTOMANI  
IVRISCONSVL  
IN SEX LEGES

OBSCVRISSIMAS, *commentarius:*

EX SCHOLIS VALENTINIS.

*L. Gallus, L. Vinum, L. Frater à fratre,*  
*L. Passaconuenta, L. cam quam, L. precibne.*

DVRARE ET MORI,



NON PERIRE.


LUGDVNI,  
Apud Claudium Sennetonium.

---

M. D. LXIII.

AMPLISSIMO VIRO,  
IOANNI MONLUCIO, EPIS-  
COPO ET COMITI VALEN-  
tino Diensi, Francif. Ho-  
tomanus S. P.

**V**ID his paucis proximis mensibus  
in hac Academia tua, hoc est, in his  
tuis Iustitiae scholis egerim, Amplissi-  
me Monluci, quae in re meum hoc  
literarum otium consumpserim,  
poteris ex hoc, quem ad te mi-  
si, libello cognoscere: in quo earum  
sex legum, quae in libris nostris obscurissimae nume-  
rantur, interpretationem posui. Et si enim Regia te ne-  
gocia, in quibus tot iam annos, magna cum laude, per-  
petuaque nominis tui gloria, versatus es, magnopere  
occupatum ac prope districtum tenent, nunquam ta-  
men Academiae tuae memoriam ex animo deponis: nun-  
quam optimarum artium ac literarum studia inter-  
mittis: nunquam tantis te occupationibus obrui sinis,  
ut non ad Doctrinae studium, tanquam ad suavissi-  
mum ingenij tui pabulum, oculos saepe animumque re-  
feras. Itaque ornarunt te quidem amplissima, honori-  
ficentissimaque legationes quamplurimae, quas iam-  
pridem in Graecia, Italia, Polonia, Anglia, Scotia, Bel-  
gica, fidelissimè sapientissimèque summis de rebus  
a 2 oby



FRANC. HOTOMANI  
IURISCONSULTI

COMMENTARIUS IN

l. Gallus, 29. De liber. &

posthumis.

EX SCHOLIS VALENTINIS.

ARGUMENTUM.



**T**RACTATIO de liberis & posthumis instituendis aut exheredandis, tripartita est. Liberos appellamus, iam natos: posthumos vero, qui nondum nati sunt, sed qui post nascuntur: id est, aut post testamentum, aut (quod certius & antiquius est) post testatoris mortem: prius autem de liberis dicemus, quæ ipsa quoque disputatio tripartita futura est. Primum enim de filio, post de nepote præmortuo filio, postremò de nepote & filio viuis differendum erit. Ergo quod ad filium attinet, is quidem qui iam natus est, omnino vel institui, vel nominatim exheredari iure antiquo debuit: neque quicquam illo de iure usque ad huc immutatum est. Filii namque præteritio testamentum & iniustum & nullum facit. l. inter cætera, 30. De lib. & posthu. l. 1. & pass. D. de iniust. rupt. De nepote autem qui præ-